

陽原李泰棻述

歐戰史要

陽原李氏史學

叢著第一種

陽原李泰綦先生編著	樂亭李大釗先生序文	天津陳寶泉先生序文	江陰劉復先生序文	安徽陳獨秀先生序文	涿鹿呂復先生序文	長沙章士釗先生序文	定縣谷鍾秀先生題簽	紹興蔡元培先生題簽
-----------	-----------	-----------	----------	-----------	----------	-----------	-----------	-----------

西洋大歷史上下

● 定價大洋四元 裝二巨冊 ●

● 陽原李氏史學叢著第四種 ●

洋
八
角

定
價
大

歐戰史要一冊

中華民國九年三月出版

著作
陽原李泰綦

印刷者
中華印刷局

發行者

北京琉璃廠東口路
武學書
南電南局一七一八

寄售者
各大書坊

此書有著作

權翻印必究

例言

一、本編第一二三四章係拙箸大戰因果論原文。去歲作此頗費苦心。第五章以後。全係採錄中外報紙。略加增減。爲急須講授。無暇與原文對照。讀者不可以箸作觀也。

二、本編爲歐戰史要。對於德奧革命。及俄德奧革命後之國內狀況。不能詳叙。後當專作。姑付闕如。

三、本編以頁數無多。所用英法德諸人地名辭。前後屢見者少。故不作華洋名辭對照表。閱者諒之。

叙
言

歐戰言 目次

一 緒言 今役之遠因

二 柏林會議

三 三國同盟

四 俄法同盟

五 英日同盟

六 三國協商

七 馬羅科問題

八 波漢兩州之合併

九 巴爾幹戰爭

第二章 今役之近因奧皇儲之遇弒及大戰猝發

一 奧皇儲之被刺及其大塞耳維亞主義

二 奧之最後通牒及其南下政策

三 塞之回答及奧塞之宣戰

第三章 各國之參戰

一 夕亞宣戰

二 俄之宣戰及大同盟罷工

三 德之宣戰及社會黨

四 法之宣戰及軍備缺陷問題

五 比之地位及其態度

六 英之宣戰及內政問題

七 日本之加入及中國

八 土之加入及其對德關係

九 意之加入及三國同盟之破壞

十 保之加入及塞門二國之運命

十一 葡之加入及其對英關係

十二 羅之加入及其國內之黨派

十三 希臘之加入及其向背

十四 合衆國之加入及德之潛艇政策

十五 中國之加入及內亂

十六 結論

第四章 俄羅斯大革命及其對

於今役之影響

一 大革命之遠因

二 大革命之近因

三 俄德之單獨媾和

四 大革命對於大戰之影響

第五章 戰爭經過略述

第六章 威爾遜之和平十四條

第七章 和平會議之開幕

第八章 列國對於和會之要求

第九章 和會之難決問題

第十章 國際聯盟

第十一章 對德條約略述

第十二章 對奧和約略述

第十三章 歐洲新國紀略附圖

第十四章 巴黎合會及中日問題

歐戰史要

陽原季泰纂述

第一章

今役之遠因

(一)緒言 自千九百十四年六月二十八日。奧皇儲法地那德Ferdinand夫婦被刺於新領波斯尼亞Bosnia之薩拉耶市Sarajevo後。而大戰猝發。世界諸國。如飲狂泉。不惜犧牲其生命財產以角逐於腥風血雨之下者。四稔於茲矣。茲四年中。戰爭範圍日益擴大。同盟方面有四國。而協約方面則二十餘國。皇儲一命之微。俾世界國家幾至盡入漩。而軍數動員。在同盟國則二千萬。在協約國則二千三百萬。戰死兵數。在同盟國則二百六十八萬五千。在協約國則四百四十萬。重傷兵數。在同盟國則百九十五萬。在協約國則三百二十二萬五千。戰費在同盟國則四百八十億美金。在協約國則九百九十億美金。戰爭時間。則千五百六十七日。凡此皆有形者也。他如比塞羅門Belgium, Serbia, Romania, Montenegro, 諸小國。田園荒蕪。城焚市如。疾病呻吟於牀第。老弱轉死於溝壑。淒涼慘淡。不堪言狀。卽德奧英法諸大國。亦商弔於市。燼望於途。寡女泣於空閨。遺孩號於大澤。眈眈曠野。盡成殺場。壘壘荒丘。同埋遺骨。以西人之智。豈不知兵爲凶器。戰爲危事。然其所以聲嘶力竭。疲於奔命者。亦數十年積蓄醞釀之所致。奧皇儲夫婦之死。特其導火線耳。語云。月暈而知風。礎潤而知雨。歐戰之發。識者早固

知之。蓋遠因近因，彰彰可考也。

(一) 柏林會議 俄土戰爭，當土耳其 Turkey 之勢頻危迫也。欲借列國仲裁，與俄羅斯 Russia 和以信英 Great Britain 甚。私讓居比路 Cyprus 島於英。請出爲調停。英乃電俄勸告。俄帝答曰：土如欲和，則宜直請決不容他國置喙。於是千八百七十八年一月十九日，土耳其遺塞爾巴沙 Server Pasha 等至俄本營調和。即於二十日定休戰條約。三月三日，俄全權委員伊格那得弗 Ignatiff 與土全權委員塞爾巴沙結和約於桑斯帖弗諾 San Stefano。其要如下。

一、門的內哥羅及塞爾維亞並聽其獨立，且擴張其境界。

二、認羅馬尼亞爲獨立國，但須割多腦 Danube 河口以北，比薩拉比 Bessarabia 以西之地與俄。土再以布洛迦 Dobrudja 償羅馬尼亞。

三、許保加利亞 Bulgaria 爲獨立自治州，但納定款歲貢於土耳其。知事由人民選舉，並須得土政府及列強之承認。

四、漢時俄維那 Herzegovina 及波斯尼亞兩州，仍爲土領，但須實行內政改革。

五、土耳其償十四億一千萬盧布軍費於俄，但土財政困難除償三億一千萬盧布外，其餘則

以阿美尼亞 Armenia 及伯約給 Bayasid 等四要地並蘇欽里 Soghaly 山脈以北之地歸俄。

以上條件英奧抗議甚力。欲開列國會議。蓋英有東方商務。奧有南下政策。使俄鞏固勢力。於巴爾幹 Balkan 作梗殊甚。故以死力抗議。俄不得已從其所請。然仍力持桑斯帖弗諾條約。不稍退讓。幾至開戰。幸德 Germany 相俾斯麥 Bismark 之幹旋。乃於六月十三日開會於柏林 Berlin 俾爲議長。英法 France 俄德奧 Austria 及 Italy 六大國及土耳其希臘 Greece 羅馬尼亞塞爾維亞門的內哥羅等國使節均與焉。然重要關係多由大國先行議決。然後提交各國贊同。故會議時。辯論無多。其討論之最要者爲保加利亞及阿美尼亞之處分問題。蓋二州爲英吉利海上貿易利害所關。故英使力爭。欲變桑斯帖弗諾條約。俄力抗。然議長俾斯麥袒英。俄無援。匪特二州不能如前分配。其他讓步亦甚多。擇其議決要件如下（一）

一、保加利亞以巴爾幹山爲界。分南北二部。南部仍歸土領。北部爲保加利亞公國。納定額歲貢於土。僅奉土帝爲君。他皆獨立自治。其公爵由人民公舉。但須得土政府及列強之承認。

二、阿美尼亞及巴透港。開爲商埠。各國得自由航行。餘照桑斯帖弗諾條約。

三、英雖以居比路島爲地中海根據地。然仍爲土領。納其歲入一部於土政府。

四、土以漢波二州統治權委諸奧國。

五、以多腦河下流爲中立河，許各國商船自由開航，盡毀河岸城壘砲台。

六、土以帖撒列 Thessaly 及伊派魯斯 Epirus 南部與希臘。

七、償金任兩交戰國自議。

八、土耳其誓改革內政，許人民信教自由，無論何教，在法律上均以平等視之。（二）

以上其最要條件也。其影響於歐洲果何如？以愚視之，則醞釀各邦之猜忌嫉視，而蒞禍種於將來，以至今日激烈之大戰者，無非柏林條約爲厲之階。其條約之最無理由者，即以漢波兩州統治權委諸奧國是也。此二州在中古時本爲塞爾維亞之一部，後同併於土。其言語、風俗、宗教、人種，無一不與塞同。此次倡義抗土，又與塞同爲最初發難者。而戰後結果，苦樂懸殊，塞雖完全獨立，然兩州甫脫土羈，復入奧軌，以暴易暴，究何所取？而奧人不費一兵，不亡一矢，坐得數千里之地。夫俾斯麥果何厚於奧而獨愛之若此？蓋以普 Prussia 奧之戰，普方奪德意志霸權於奧，奧仇未釋，而普法之戰，又構大怨於法，以新造之德，而一憾口伺其側，欲求高林云胡可得？俾斯麥洞察法仇之不可解，而奧仇之較易釋也。故遇此機，乃攫之爲市恩之具，在德毫無所損，在奧已大有所獲。後此德奧同盟之所以成立，而三十年來德奧之交，若夫婦之倡

隨者均賴此也。然波漢兩州之民日抱不供戴天之仇，茹苦飲痛，以至於今。遂有奧皇儲遇害之事。借非柏林條約，何至於此而塞門羅保諸國前此屢叛土廷，今茲之役，其所犧牲亦不可謂不鉅。乃塞黑二國所最希望與波漢兩州合併之舉，機緣殆將永絕。羅馬尼亞盡失其固有膏腴之地，而易以荒磧。保加利亞不唯失其南部，且並獨立之資格，亦不能得。而東羅馬利、*Thunellia*、*馬其頓*、*Macedonia*、阿爾巴尼亞、*Albania* 諸地，同爲歐洲民族基督教徒，然竟不得自由，仍憔悴呻吟於土政府之下。且國界分割，全不因民族自然之勢，而故爲斷鳧續鶴，使杭隍莫能相安。其用意蓋以摧殘諸國發達滋長之萌芽，一以使彼互相猜忌，無復寧謐之日。此近東問題所爲數十年繆轢不清，而最近數年兩次巴爾幹戰役之所由起也。而今茲之役，即受彼餘波而別起大波而已。在土耳其以數百年年世受之地，供人宰割，其悒悒自不待言。然以較之桑斯帖弗諾條約，則其爭回之權利固爲不少。此又俾斯麥之市恩於土，爲德人近東政策布一遠勢者也。（三）總之柏林會議，諸國無小無大，均爲俾相所利用，以爲德意志外交政策之轉移。故三十年來德之內政日振一躍而爲世界第一強國。雖然日中則仄，月盈則虧。今茲大戰結果，竟至匿起內亂，此後國勢未卜何如。俾相所持政策，其禍德耶，其福德耶，蓋亦難言矣。

(一)參觀拙著西洋大歷史下卷二十八章第十及十一節 (二)全文見長岡春一最近世界外交史二三〇至

二七二頁及拙著世界近時外交史第一冊 (三)參觀梁任公歐洲戰役史第七節

(三)三國同盟 Triple Alliance 之由來。不可不知普法戰爭以後，俾相之政策普魯士經此大役，護前古未有之勝利。一方面得多額之償金，及伊爾撒斯 Elsass 魯達林 A. Lorraine 之兩地。一方面成立多年渴望之德意志帝國。幸莫大矣。然法人會稽之恥未雪。處心積慮。無時或釋者。俾相料之熟矣。故此後外交。唯以孤法人之援。使其莫余毒爲務。其眼光所注。則俄奧意也。奧亦因波希米亞 Bohemia 有分離之勢。大斯拉夫主義 Slavism 有漸加之形。俾相既屢示微波。故亦乘機與德提携。於是千八百七十二年。奧帝法蘭西司約瑟 Francis Joseph 與宰相安特羅士 Julius Andrássy 親朝柏林。是爲德奧交歡之始。時俄帝亞力山大第二以內有自由派革命之憂。外欲逞巴爾幹侵畧之志。亦欲假力德奧。俾相知之。因勸俄帝來朝。宰相查哥夫 Gorchakov 從焉。三帝三相會於柏林。遂以九月五日結三帝同盟。即所謂新神聖同盟也。其要件如下。

- 一、維持歐羅巴最近議定之領土關係。
- 二、巴爾幹有事。和衷共濟。

三、制壓革命運動。(二)

第一爲德意志欲使法國孤立。第二第三爲奧俄兩國預防內憂外患之策。翌年。德帝威廉第一 William I 復率俾相朝於俄奧。溫舊盟焉。德既得俄奧爲與國。而法孤立矣。然俄相查哥夫。恒嫉德之勃興。憂俄之見逼。其與德常貌合而神離。俾公所熟察也。所謂神聖同盟者。當有事之秋後。援之力殊薄。又俾相所能預察者也。無端緣俄土戰爭。而有柏林會議。俾相身爲議長。乃助英而不助俄。蓋彼曾勸奧派兵巴爾幹半島。若以漢波二州與俄。則奧必憤。奧憤則奧法同盟成。故寧守俄之怨。用以破其盟。且英素親奧。欲提攜以防俄之南下。示恩於奧。即間接示恩於英。奧恩德則德奧間之鴻溝。以掃英恩德。則法孤立之策以成。故俾公於千八百七十九年一月七日。與奧相安特羅士結德奧同盟。其約如下。

一、同盟兩造。無論何國受攻於俄羅斯時。其他一國。必出陸軍全力以援助。不得兩國同意。不得構和。

二、同盟兩造。無論何國受攻於俄以外之他國時。其他一國。必受善意的中立。唯俄國若援助此第三國時。兩同盟國。即互以軍相助。其構和時亦同第一條所規定。

三、此條約同盟兩國應保守秘密。永保善意。不得有虛假解釋。(二)

夫奧之所患者俄也。而德之所患者法也。俄若攻奧。德即助之。奧人其可以即安矣。法以孤立攻德。德自能獨立禦之。但求奧人中立足矣。俄助法以攻德。德腹背受敵。或將不堪。故求奧援以牽制之。劫俄莫敢動。德奧同盟之精神。實在於是。然德法開戰。又有意焉。故俾相之政策。又注目於意法之離間。有地曰士尼士 Tunis 者。上古迦太基 Carthage 國所都。與意大利有歷史關係。蓋意大利羅馬之後身。而迦太基羅馬之屬地也。且其地又與意之西希里 Sicily 島隔海相望。意人久欲攘爲己有。柏林會議之際。法人示意於英德。英德默許之。千八百八十一年法遂收爲保護國。英之所以以此餌法者。蓋欲自取居比路島。使無違言也。法既侵略。意人大憤。輿論沸譁。遂有倡議加入德奧同盟者。俾相乘之。大事運動。是年九月意王偕其后朝奧。明年朝德。德與意意與奧各結同盟密約。時千八百八十三年一月也。其中條約概未發表。然據揣度。大約意德之約。爲兩國無論何國受攻於法。則相爲應援。意與奧之約。則謂法與意戰。俄與奧戰。奧意各守善意的中立。於是完全之三國同盟成立。此盟約初限五年。後屢展續。迄今次戰爭。意大利加入協約方面。始行廢止一部。德意本同種之國。德人能問之。使親於我。俾相手婉可謂妙矣。三十年來。德法表面上未敢開戰者。皆此同盟之力。然釀之既深。其發必暴。今茲戰役。所以如此激裂者。亦此同盟之故。俾公有知。不悉果作如何感想也。(三)

(一)參觀拙著西洋大歷史卷下二十九章第一節(11)見Stewell The diplomacy of the war of 1914, p. 54)

(二)參觀梁任公歐洲戰役史論第八

(四)俄法同盟 法自千八百七十一年普法戰爭失敗以來極力整理財政以圖復仇於普。普之有識者日夜憂慮將軍毛奇Moltke倡議再與法戰以免後患俾相不贊此意但講外交以孤法勢。自柏林會議及德奧同盟以來俄甚怨德法遂乘之互相提携。俄帝亞力山大第二Alexander與德帝威廉第一本甚親善故兩國國交表面上尚未破裂。自千八百八十八年今廢帝威廉第二即位罷俾斯麥相對俄政策爲之一變。千八百九十年俄德同盟期滿不再續訂。時俄雖爲專制政體與法迥異然以利害相關不容孤立。德奧既已絕交不得不借法援。千八百九十一年二月二十二日遂結俄法同盟Alliance Franco-Russe。明年重訂軍事協約其大旨即三國同盟之任何一國下動員令時俄法二國共下動員令以抗之。千八百九十一年七月法海軍訪俄之庫倫斯達多港Cronstadt備荷俄皇優遇。後年十月俄海軍亦訪法之土倫港Toulon其使節抵巴黎盛受歡迎兩國元首亦馳電問訊辭極懇摯。同盟益固。千八百九十四年俄帝亞力山大第二崩今被殺之尼考拉第二Nicholas即位國交益親。明年新訂盟約。千八百九十六年十月俄帝親朝巴黎Paris翌年八月法總統亦至俄都答禮但其盟

約條文。當時知者甚鮮。千九百一年九月二十一日。維也納 Vienna 新聞。及二十六日巴黎新聞。名自由 Libert 者載之。其要件如下。

一、兩國中有一國受攻擊時。其他一國海陸軍出全力以援助之。
二、媾和時必須兩國協議後。始能與第三國協定條約。惟遠東事件不在此限。
三、本條約有效期限特別規定。

蓋法之所患者德也。俄之所患者奧也。德奧意既有三國同盟。則俄法不得不有二國同盟。故俄法同盟純屬被動。雖然。歐洲二十年來。無大戰爭者。亦此之力。(一)顧當時英又何以不加入俄法同盟也。此則俾公外交手腕之餘波。當三國同盟之已成立也。俾公又圖所以離間英法之術。時英人方投鉅資以收蘇伊士 Suez 河股票。法英之間。爲埃及問題。屢有違言。俾相則從而搆煽之。說法之甘必大 Gambetta 謂與德相提携。共圖拓境於非洲及太平洋羣島。德實未當進取也。而法人所至。見尼於英。於是法之怨英。視德尤甚。而俾相之術售矣。即俄與德終俾相之世表面上亦未絕交。使威廉第二。不罷俾相。則二國同盟亦或不至有成。然帝剛毅自用。可謂大英雄。不可謂大政治家。今之失敗。曷嘗不以此也。

(五)英日同盟 自柏林會議以來。歐洲外交。以德爲中樞者垂三十年。始而有三國同盟。繼

而有俄法同盟。非連衡以事德。則合從以抗敵。兩相對峙。莫敢誰何。而海上之英。則恒以名譽孤立 *Glorius Isolation* 自詡。所謂無待於他而卓然獨樹者也。然時世變遷。遂使英人不能

持其故態。蓋襄者英人之在歐陸。本與羣雄無競。歐陸以外諸強。勢力無足與英抗顏行者。然自柏林會議以來。俄人失敗於近東。遂以全力經營遠東。日本亦崛起於三島。甲午之役。我國喪師。列強眈眈逐利。俄德法三國干涉還遼。未幾而膠州。旅順。繼割。又未幾而團匪亂起。俄兵占據滿州。不肯撤退。日則汲汲經營朝鮮。爲吞併中國北部之根據。美又因西班牙 *Spain* 戰役。略得非利賓 *Philippine* 爲東方海軍策源地。英之霸權。已漸搖動。而習水戲之田鼠。(一)

且駸駸有水擊三千里之勢。爲英腹心大患。適值南非戰役起。英人竭全力以謀征服波牙人 *Poers* 所建之奧蘭治 *Orange* 及脫蘭斯維 *Transvaal* 兩自由山國。(二)疲於奔命。綿亘二年。歐洲各國。莫不忌英人之無道。當是時。所謂名譽孤立者。殆變爲可憐之孤立矣。(三)英之政治家。家有鑒於此。又見夫日人畏逼於俄。與已同病。乃利用之以締結英日同盟 *Anglo-Japanese Alliance* 其條約內容。爲因遠東屬地或利益。英國若被侵於他國時。日本須出兵援助。反之日本若爲遠東利益與歐陸列強開戰時。英國須出兵援助。此其大略也。若夫詳細條件。則分